

103

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷第一百三十

浚儀王應麟伯厚甫

官制

宗戚

訓皇族

宗官

哈佛大學漢和
圖書館珍藏印

古之待同姓為宗法以統之宗其繼太祖者為大宗宗其繼高祖者為小宗大宗一小宗四為氏族以別之自太祖為正姓高祖為庶姓庶姓別於上而戚單於下則分之以氏合之以族自古后族能以德禮進退全宗保名者蓋鮮矣明哲之君知驕侈之易滿榮辱之難保授任各當其才祿位不

過其量告之以天命不易誠之以大義滅親使居無過之地永享不貲之福與國終始不失其所親也。

黃帝二十五宗

見前

堯九族

堯典以親九族九族既睦注睦高祖元孫之親疏上自高祖下至元孫

周封建

文昭武穆

導訓諸侯

二十

六國

左傳僖二十四年富辰諫曰昔周公弔二叔之不咸

故封建親戚以蕃屏周管蔡邶霍魯衛毛聃郟雍曹

滕畢原鄆郇文之昭也邠晉應韓武之穆也凡蔣邢

茅胙祭周公之嗣也疏云一十六國武王克商之後

年傳曰文武成康建母弟則康王之世乃封建畢昭九

之世尚有封國非獨周公時也召穆公思周德之

不類故糾合宗族于成周而作詩曰常棣之華鄂不

韓韓凡今之人莫如兄弟其四章曰兄弟鬩于牆外

禦其侮周語周文公之詩曰外禦其侮曹文昭晉

而五叔無官魯衛晉皆叔而文武成康之伯不獲是

賢否為進退功過為先後有尚德勸能之意五等

萬曆丁亥年

三母長二百一

二

監生葉正昇刊

處之彝器分物以昭之祝宗上 昭二十六年王子

朝曰武王成康並建母弟以蕃屏周亦曰吾無專享

文武之功二十八年成鱒曰昔武王克商光有天下

其兄弟之國者十有五人姬姓之國者四十人皆舉

親也定四年子魚曰成王選建明德以蕃屏周

襄二十九年叔侯曰虞虢焦滑霍揚韓魏皆姬姓也

隱六年我周之東遷晉鄭焉依僖五年宮之奇

曰大伯虞仲大王之昭也虢仲虢叔王季之穆也

荀子周公立七十一國姬姓獨居五十三人周之子

孫苟不狂惑者莫不為天下之顯諸侯 **史記表文**

武成康所封數百而同姓五十五 **周語**宣王欲任

國子之能導訓諸侯者樊穆仲曰魯侯孝乃命魯考

公於夷宮 賈侍中云國子諸侯之嗣子使到導諸

京師為甲子以此觀之雖魯公子亦多入

周禮子官詳見上

康誥矧惟外庶子訓人 **文王世子**庶子之正於公

族者教之以孝弟睦友子愛明父子之義長幼之序

注庶子司馬之屬掌國其朝于公內朝則東面北上

臣有貴者以齒其在外朝則以官司士為之其在宗

朝之中則如外朝之位宗人授事以爵以官其登饌

敬受爵則以上嗣庶子治之治公侯也雖有三命不踰

父凡古者庶子之官治而邦國有倫衆鄉方矣禮

夏官諸子掌國子之倅下大夫二人中士四人禮注庶子掌

子燕禮獻庶子于阼階上如獻士之禮注庶子掌

正六牲之體及舞位使國子脩德學道世子之官也

燕義周天子有庶子官該子者訓公侯之春官

內宗凡內女之有爵者外宗凡外女之有爵者都宗

人上上二人中士四人家宗人如都宗人之數詩

采蘋宗室牖下注大宗之廟也箋祖廟既毀教于宗

室昏義注宗湛露厭夜飲在宗載考注夜飲必

於宗室箋云夜飲之禮在宗室同姓諸侯則成之於庶姓其遜之則止

周宗盟 宗正 宗官 見宗伯

左傳隱十一年周之宗盟異姓為後正義服虔以宗

盟為同宗之盟周人貴親先叙同姓以其篤於宗族謂之

宗盟魯人為以此言見其重宗之義異姓為後謂王官之

伯降臨諸侯以王命而盟者春秋之世狎主齊盟者

則不復先姬姓也踐土之盟其載書云王若曰晉重魯

申是用王命而盟也召陵之會劉子在焉故祝佗引

踐土為比為有王官故也宋之盟楚屈建先於趙武

若姬姓常先則楚不得競也。且言周之宗盟是唯周
乃然。故釋例曰：用周而言，指謂王官之宰臨盟者也。
餘雜盟未必皆然。觀禮曰：諸侯前朝皆受舍于朝，同
姓西面北上，異姓東面北上，朝覲就爵同之中，先同
姓，後異姓。若盟則爵雖不同，先同姓也。
司儀土揖庶姓，無親者。時揖異姓者，昏姻。天揖同姓。
宋百官春秋：周受命，封建宗盟，始選宗室之長而董正之，謂之宗
正。成王時，彤伯嘗為是官。小宗伯掌三族之別，以
辨親疏。其正室謂之門子。注：三族謂父子孫人，屬之
正名。記曰：親親以三為五，以五為九。正室適子也。將

宗戚

代父當門者，疏以父親祖，以子親孫，以三為五也。以
祖親曾高，以孫親曾元，以五為九也。
漢百官表：宗正注：應劭曰：周成王時，彤伯入為宗正。師古曰：彤伯
為宗伯，不謂之宗正。

晉公族

左傳：宣二年，晉成公即位，乃官卿之適子而為之田，
以為公族。又官其餘子，亦為餘子。庶子為公行，晉於
是有公族。餘子公行，正義：公族之官，掌教公之子弟。
晉語：晉選公族六夫，必以端惠者教之，文敏者道
之，果敢者諗之，鎮靜者脩之，蓋膏粱之性難正也。

魯宗司 宗人

見官制六卿

左傳哀公欲立夫人使宗人釁夏獻其禮公曰汝為

宗司又夏父弗魯語宗人夏父展注宗伯也又

曰宗室之謀不過宗人注宗人用同姓若漢宗正用

諸劉揚雄宗正箴禮有攸訓屬有攸籍各有育子世以不錯文王世子宗人

授事以官尊賢也古者庶子之官治而邦國有倫衆

鄉方矣宗人典禮者虞曰秩宗商曰大宗周曰宗伯其義一也

漢宗正官

高紀七年二月置宗正官以序九族 百官表宗正

秦官掌親屬有丞元始四年更名宗伯屬官有都司

宗祿宗官

空令丞內官長丞又諸公主家令門尉皆屬焉莽并

其官於秩宗 高后二年上邳侯郢客景元年平陸侯

禮三年德侯通元狩四年沈猷侯受為宗正坐聽請

不具宗室始元二年光祿大夫辟彊元鳳元年大中

大夫德初元元年諫大夫更生竟寧元年陽城侯慶

忌元始四年宗正容更為宗伯 永平三年劉平建

初二年般永元十三年愷為宗正建初中劉軼梁孝王之

裔為宗正遂世掌焉矩寵佑揚雄箴伯臣司宗

唐六典漢宗正之官不以他族楚元王子郢客辟彊

德等遞為之又劉德劉茂為丞晉志宗正二星在帝坐東

南宗大夫也宗人四星在宗正東主錄親疏享祀族人有序則如綺文而明正宗星二在候星東宗室之象魏以皇族晉兼用庶姓

東平王蒼曰自漢興以來宗室子弟無得在公卿位者宗室不宜典三河劉歆王國人不宜在京師彭

宣王國不得宿衛龔勝彭宣王舅不宜備九卿馮野王馮立馮參竟寧中以王舅出

漢啓九國 廣宗室

諸侯王表漢初懲亡秦孤立之弊尊王子弟大啓九國史記九國之數有淮陽徐廣并淮陽自鴈門以西為九長沙異姓不與焉荆絕乃封吳

宗戚宗官

盡遼陽為燕代常山以南太行左轉度河濟漸于海為齊趙穀泗以往奄有龜蒙為梁楚東帶江湖薄會稽為荆吳北界淮瀕畧廬衡為淮南波漢之陽亘九嶷為長沙諸侯北境周巾三垂外接胡越天子自有三河東郡潁川南陽自江陵以西至巴蜀北自雲中至隴西與京師內史凡十五郡公主列侯頗邑其中而藩國大者夸州兼郡連城數十宮室百官同制京師吳王濞傳晁錯說景帝曰昔高帝初定天下昆

弟少諸子弱大封同姓故孽子悼惠王王齊七十二城庶弟元王王楚四十城兄子王吳五十餘城封三

庶孽分天下半。賈誼傳高皇帝擇良日立諸子維

陽上東門之外畢以為王而天下安注師古曰諸侯

國在關東故於東門外立之史記表高祖子弟同

姓為王者九國唯長沙異姓注徐廣曰齊楚荆淮南

燕趙梁代淮陽荆絕乃封吳史呂后紀劉氏所立

九王唐世系表漢鑿秦務廣宗室世其國地史記

之無尺土封故大封同姓以填萬民之心諸侯王

廣封連城犬牙相錯為盤石宗高皇帝規土連城

布王子孫是以支葉扶疏異姓不得間也黃圖漢儀冊封諸王必於祖

廟冊命之示不敢專也

宗戚

漢屬籍 諸王世譜 宗室名籍

宣紀四年五月復諸劉有屬籍家無所與

詔掖廷養視上屬籍宗正地節元年夏六月詔曰朕

惟念宗室屬未盡而以罪絕若有賢材改行勸善其

復屬使得自新元紀初元元年夏四月賜宗室有

屬籍者馬一匹至二駟五年四月賜宗室子有屬籍

馬一匹至二駟成紀建始元年二月賜宗室有屬

籍者錢帛各有差哀紀綏和二年四月丙午帝即

位賜宗室王子有屬者馬各一駟平紀元始元年

正月詔宗室屬未盡而以罪絕者復其屬田蚡傳

蚡為太尉舉擿諸竇宗室無行者除其屬籍安紀

嘉靖丙辰年

王海卷一百三十一

監生共開刊

元興元年四月庚午大赦天下改元宗室以罪絕者
悉復屬籍順紀永建元年正月甲寅詔朕奉承大
業與人更始宗室以罪絕者皆復屬籍馬后紀其
外親美車服不軌法度者使絕屬籍遣歸田里鄧
后紀后從兄康以太后父臨朝託病不朝太后遂免
康官絕屬籍續百官志宗正卿一人中二千石掌
序錄王國嫡庶之次及諸宗室親屬遠近郡國歲因
計上宗室名籍注胡廣曰又一歲治諸王世譜差序
秩第隋志漢初得世本而漢又有帝王年譜
秦衛鞅變法宗室非有軍功論不得為屬籍

宗戚

漢諸王傳

表諸侯有大傅輔王內史治國民中尉掌武職丞相
統眾官羣卿大夫都官如漢朝景帝中五年改丞相
曰相武帝損郎中令秩千石改太僕曰僕千石成帝
綏和元年省內史更令相治民太傅但曰傳景紀

中二年詔諸侯太傅初除之官大行奏策為太傅

者韋孟唐生於楚賈誼於梁夏侯始昌於昌邑轅固

於清河師丹彭宣慶普於東平韓嬰於常山伏理於

高密戴德於信都丁姓於中山鄧彭祖於真定衛綰

於河間杜林於東海疆封東海王重選官屬以林為

召必何敞於濟南初永元為相者曹參石慶於齊董

仲舒於江都膠西張敞於膠東王尊於東平褚大於

梁孔霸於高密內史則梁之韓安國楚之何武中

尉則昌邑之王吉淮陽之韋元成王式為昌邑王

師以三百五篇諫吳王濞傳有太子師傳河間獻

王立毛氏詩左氏春秋博士高帝時諸侯得除內

史以下漢獨為置丞相梁孝王以至親故得自置

有兩相乎武漢興諸王侯皆自治民聘賢楚王

舍為常侍東平憲王辟林宋志前漢王國置文

學六典注魏氏諸晉志王置師友文學各一人景

宗官

諱改師為傳友者因文王仲尼四友之名改太

晉孔安國領東海王師廣陵王以劉定為師齊竟陵王子良開西邸招文

學梁武帝與沈約謝朓王融蕭琛范雲任昉陸倕等

並游焉號曰八友梁皇弟皇子

采庶子之春華忘家丞之秋實庶子劉公幹平臺逸

響南皮高韻

漢戚里 外戚箴

石奮傳徙其家長安中戚里以姊為美人故也注於

上有姻戚者居之故名戚里長安記戚外戚恩澤

侯表簿昭竇嬰上官衛霍之徒以功爵其餘后父據

監生葉正昇刊

春秋褒紀之義帝舅綠大雅申伯之意寤廣博矣

崔駰曰漢興以後迄于哀平外家二十保族全身四

人而已漢二十四帝惟孝文光武明帝不重外戚皆保其宗崔琦作外戚箴

潘岳西征賦窺七貴於漢廷疇一姓之或在呂霍

丁趙前史贊曰外戚興者許史三王丁傳之家皆

重侯累將窮貴極富見其位矣未見其人也

漢侯邑列位 推恩令

武紀元朔二年春正月詔曰梁王城陽王親慈同生

願以邑分弟其許之諸侯王請與子弟邑者朕將親

覽使有列位焉於是藩國始分而子弟畢侯矣

宗戚

侯王表文帝采賈生之議分齊趙景帝用晁錯之計

削吳楚武帝施主父之冊下推恩之令使諸侯王得

分戶邑以封子弟不行黜陟而藩國自析自此以來

齊分為七趙分為六梁分為五淮南分為三齊城陽濟北濟

陽淄川膠西膠東趙平原真定中山廣川河皇子始

立者大國不過十餘城長沙燕代雖有舊名皆無南

北邊矣史記表齊趙梁楚支郡名山岐海咸納於漢王子侯表大哉聖

祖之建業也後嗣承序以廣親親至于孝武以諸侯

王疆土過制或僭差失軌而子弟為匹夫輕重不相

準於是制詔御史諸侯王或欲推恩分子弟邑者令

各條上朕且臨定其號名自是支庶畢侯矣史記建元以來

王子侯表始於元光五年五月壬子茲侯明終於視茲侯元光侯者七元朔侯者一百二十七元狩侯者

二十五元朔侯者三

自元朔二年以後始於張梁侯仁龍丘侯代劇原

侯錯懷昌侯高遠平望侯賞繼以臨衆侯始昌葛

魁侯寬益都侯胡平的侯強劇魁侯黑終於柳裴

侯道澎侯屈釐此侯邑之號名也有封於五月之

乙巳甲戌者有封於六月之甲午者三年十月之

癸酉者推而析之以至於元鼎元封訖於征和二

年三月丁巳此始封之位次也通計表中自元朔

宗戚

二年後封者百六十五人其封之年月先後皆具

亦有不得其封年者先是元光五年六年與元朔

之元嘗封十三人茲侯明至淮陵侯定國菑川

城陽濟北高後也梁代諸王文昭也魯中山廣川

河間長沙膠東景穆也高帝封諸王其子孫無

與漢俱存亡者文帝封梁城陽菑川景帝封河間

長沙中山常山武昭帝封廣陽廣陵高密數國至

恭而廢

賈誼傳欲天下治安莫若衆建諸侯而少其力割地

定制令齊趙楚各爲若干國使悼惠王幽王元王之

萬曆丁亥年

三母六三

七

監生葉正昇刊

子孫畢以次各受祖之分地及燕梁他國皆然

云云

主父偃傳偃說上曰今諸侯子弟或十數而適嗣代立餘雖骨肉無尺地之封則仁孝之道不宣願陛下令諸侯得推恩分子弟以地侯之彼人人得所願上以德施十分其國必稍自銷弱矣於是上從其計後紀建武二年十二月戊午詔宗室列侯爲王莽所廢並復故國若已没上子孫見名尚書封拜

漢封立三王

史記世家元狩六年大司馬臣去病上疏皇子賴天能勝衣趨拜至今無號位師傅官願詔有司因盛夏

宗戚

詔時定皇子位三月乙亥奏未央宮制曰下御史臣青翟臣湯等請所立國名制曰更議以列侯家之列侯臣嬰齊中二千石臣賀博士臣安等議曰陛下奉承天統明開聖緒續蕭文終侯之後于鄴褒厲群臣平津侯等昭六親之序明天施之屬使諸侯王封君得推私恩分子弟戶邑錫號尊建百有餘國而家皇子爲列侯則尊卑相踰列位失序不可以垂統萬世制曰康叔親屬有十而獨尊者褒有德也周公祭天子郊故魯有白牡駢剛之牲羣公不毛賢不肖差也朕甚慕焉四月戊寅青翟等奏昔周爵五等春秋三

等因時而序尊卑高帝封建諸侯爵位二等皇子或在襁褓立為諸侯王為萬世法不可易竊與列侯臣壽成等二十七人議皆曰高帝王子孫廣支輔所以宣至尊也請令史官擇吉日具禮儀上御史奏輿地圖他皆如前故事制曰可四月丙申奏未央宮太僕行御史大夫事言太常臣充言二十八日乙巳可立諸侯王臣昧死奏輿地圖請所立國名禮儀別奏制曰立皇子闕齊王曰燕王胥廣陵王太史公曰封三王天子恭遜羣臣守義

漢諸侯王子弟邑號名

見推恩令係武帝元初二年正月 高祖愛諸侯信等

三人高后朱虛侯章 三人孝文管共侯罷軍等十

四人景帝平陸侯禮 七人武帝一百七十八人元

朔元年前十三人茲 明等至淮陵侯定國元朔二

年後一百六十五人沮共王子張梁侯仁一人菑川

懿王子龍丘侯代等上三人又諸王子元侯何等四

人城陽共王子雷侯一人子東莞侯吉等十二人又

與王子麥昌侯等二十人趙敬肅王子尉文侯侯丙

等十八人又六人不得封年中山靖王子廣望前侯

忠等二十人廣川惠王子蒲領侯嘉等四人又二人

不得封年又繆王子并侯甘等二人河間獻王子

平城侯禮等十人又人不得封年濟北正王子

陽侯樂等七人又武子四人代共王子离石侯結

等九人齊孝王子博侯就等十人又一人不得封

年魯共王子寧陽節侯等五人長沙定王子路陵

侯童等十一人衡山王子一人膠東康王子皇虞侯

建等二人後傳東平王蒼上疏曰自漢興以來宗

室子弟無得在公卿仿者

漢宗師

平紀元始五年正月給祭明堂諸侯王二十八人列

侯百二十人宗室子九百餘人召助祭禮畢封孝宣

曾孫信等三十六人為列侯餘益戶賜爵金帛補吏

各有差詔曰惟宗室子皆大祖高皇帝子孫及兄弟

吳頃楚元之後漢元至今十有餘萬人莫能相糾或

陷入刑罪其為宗室自太上皇以來族親各以世氏

郡國置宗師以糾之致教訓焉二千石選有德義者

為宗師李時為莽後傳盧植獻書竇武曰宜依古

禮置諸子之官召王侯愛子宗室賢才崇訓導之義

簡其良能隨用爵之強幹弱枝之道也

漢外屬圖 五宗

竇融傳建武五年夏遣長史劉鈞奉書隗囂反融與五郡太守共砥礪兵馬上疏請師期帝深嘉美之乃賜融以外屬圖及太史公五宗外戚世家魏其侯列傳詔報曰每追念外屬孝景皇帝出自竇氏定王景帝之子朕之所祖昔魏其一言繼統以正長君少君尊奉師傅脩成淑德施及子孫此皇太后神靈上天祐漢也注景帝子十三人為王而母五人同母者為一宗故曰五宗

景十三王傳景帝十四男王皇后生武帝栗姬生臨江閔王榮河間獻王德臨江哀王闕程姬生魯共王

餘江都易王非膠西于王端賈夫人生趙敬肅王彭祖中山靖王勝唐姬生長沙定王發王夫人生廣川惠王越膠東康王寄清河哀王乘常山憲王舜其後漢益封其支子為六安泗水王史記自吳楚後五宗王世漢為置二千石去丞相曰相銀印諸侯獨得食租稅

漢建武封皇子 司空輿地圖

光武紀建武十五年初巴蜀既平大司馬吳漢上書請封皇子不許重奏連歲三月乃詔群臣議大司空融固始侯通膠東侯復高密侯禹太常登等奏議曰古者封建諸侯以藩屏京師周封八百同姓諸姬並

為建國高祖聖德光啓天下封立兄弟諸子不忘舊章陛下興復宗統功臣宗室咸蒙封爵多受廣地或連屬縣今皇子賴天能勝衣趨拜宜因盛夏吉時定號位以廣藩輔臣請大司空上輿地圖太常擇吉日具禮儀制曰可夏四月戊申以太牢告祠宗廟丁巳使大司空融告廟封皇子輔為右翊公英為楚公陽為東海公康為濟南公蒼為東平公延為淮陽公荆為山陽公衡為臨淮公焉為左翊公京為琅邪公十六年冬十月辛巳進右翊公輔為中山王食常山郡其餘九國公皆即舊封進爵為王十九年疆為東海王二十八年就國

宗戚

優以大封兼食魯郡合二十九縣永平二年以五縣益東平國光武十子勝士分王沛獻尊節東平好善東海謙遜琅邪好學明帝諸子之封裁令半楚淮陽諸國曰戎子不當與先帝子等

漢建武封宗室

紀建武十三年二月丙辰詔曰長沙王興真定王得河間王邵中山王茂皆襲爵為王不應經義其以興為臨湘侯得為真定侯邵為樂成侯茂為單父侯其宗室及絕國封侯者凡一百三十七人丁巳降趙王良為趙公太原王章為齊公魯王興為魯公

劉般

傳建武九年封菑丘侯奉孝王祀使就國十九年幸沛問郡中諸侯行能太守薦般東脩至行為諸侯師

二十年從還洛留為侍祠侯永平十年選為朝侯

漢列侯印

東平憲王蒼傳永平十一年正月蒼與諸王朝京師

還國帝乃遣使手詔賜國中傳曰日者問東平王處

家何等最樂王言為善最樂其言甚大今送列侯印

十九枚諸王子年五歲以上能趨拜者皆令帶之十

五年春帝幸東平以所作光武本紀示蒼蒼因上

光武受命中興頌十五年帝東巡狩召廣陵侯元壽兄弟會東平宮班賜御服又取皇

子與馬悉與之唐王珪為魏王泰師泰問所習珪曰東平

王蒼稱為善最樂願王志之帝聞喜曰兒可以無過

宗賊

矣

漢宗正著錄

後百官志注臣昭曰高祖謀深慮久封建子弟蕃維

盤固齊代淮楚皆為外重哀平之際劉氏徧於四海

宗正著錄遂以萬數後漢循前迹光武十子並列畿

外近郡孝明八國不能開庇遠民國近則不可以大不

大則不足為彊本支之援終以少固漢氏得之微猶

能四百載魏氏失之甚不滿數十年晉世矯枉太過

非簡賢之授無愚智之辨漢任被傳吳王賜號為劉氏祭酒受几杖而不朝

緩和二年六月詔曰河間王良為宗室儀表益封万户後漢肅宗時宋意上疏濟南王康中山王馬先

萬曆十六年

監生于光列刊

帝昆弟。比年朝見。久留京師。崇以叔父之尊。問之家
人之禮。車入殿門。即席不拜。分甘損膳。賞賜優渥。衍
食宅第。男女少長。並受爵邑。云云。盧植說竇武曰。
同宗相後。披圖按牒。以次建之。何勲之有。魏東阿
王植上疏曰。權之所在。雖疏必重。執之所去。雖親必
輕。蓋取齊者田族。非呂宗也。分晉者趙魏。非姬姓也。

漢四姓

見小侯學。樊郭陰馬。漢官儀曰。皇后父兄率為

特進侯。朝會位次三公。故章帝啓馬太后曰。漢典舅

氏之封侯。猶皇子之王。功臣四姓為朝侯。侍祠侯。皆

在鄉校下。馬鉅為常從小侯。東海王卒。詔京師

親戚四姓小侯皆會葬。贊曰。樊氏世篤陰。亦戎侈。

恂恂苗裔。傳龜襲紫。公侯皆紫綬。金印龜紐。庾元規曰。西京

宗戚

七族東京六姓。二富。鄧閻。梁。何。柔惠且直。景周之申明。戒
好謙。師漢之宏。

晉泰始封諸王

武紀泰始元年十二月丁卯。封皇叔祖父孚為安平

王。皇叔父幹為平原王。亮為扶風王。伯為東莞王。駿

為汝陰王。彤為梁王。倫為琅邪王。皇弟攸為齊王。鑿

為樂安王。幾為燕王。皇從伯父望為義陽王。皇從叔

父輔為渤海王。渤海至陳王斌。凡十四人。皇從父兄

洪為河間王。皇從父弟楸為東平王。地理志泰始

元年。封諸王以郡為國。邑二萬戶為大國。置上中下

萬曆丁亥年

三軍兵五千人。邑萬戶為次國。置上軍下軍。兵三千人。邑五千戶為小國。置一軍。兵千五百人。王不之國。官於京師。陸機傳機以聖王經國。義在封建。因著五等論。河間王顥傳非親親不得都督關中。顥於諸王為踈。特以賢舉。武十三王傳泰始之受終也。乃憲章往昔。廣誓山河。大開藩屏。文昭武穆。方駕於魯。衛應韓磐。石大牙連。衡於吳楚。齊代。

晉宗師 宗正圖譜

武帝紀咸寧三年春正月丙子朔。詔曰。召穆公糾合兄弟而賦常棣之詩。此姬氏所以本支百世也。今以

宗戚

衛將軍扶風王亮為宗師。所當施行皆諮之。汝南

王亮傳。晉宗室盛。無以統攝。以亮為宗師。訓導觀察。

有不遵禮法。小者正以義方。大者隨事聞奏。梁王彤亦為宗

師彭城王紘領太職官志。宗正統皇族。宗人圖謀。

哀帝省并太常。元魏天賜元年十一月。命宗室置

宗師。八國州郡各置師以辨宗黨太和二十二年。以

彭城王勰為宗師。有不遵教典。隨事以聞。西魏廣陵

王欣為大宗師。後周有宗師中大夫。

元魏宗誠

北史西魏御憑雲觀。引諸王叙家人禮。為宗誠十條。

萬曆丁亥年

卷之三

三

監生葉正昇

賜之

唐宗師

舊紀武德二年二月丙戌十六日詔天下諸宗姓任官者在同列之上無職任者不在徭役之限每州置宗師一人以相統攝志武德二年置宗師一人後省鄴侯傳曰李勉宗室儀表也古有父師又西魏廣陵王欣為大宗師望陛下特寵異之以為宗師上曰善因令領都宗正之務可也

唐武德封皇子

舊紀武德三年六月丙午封皇子元景為趙王元昌

宗戚

為魯王元亨為酆王高祖二子皇孫承宗為太原王承

道為安陸王承乾為常山王恪為長沙王泰為宜都

王四年三月奉進封衛王四月甲寅封子元方周元

禮鄭元嘉宋元則荆元茂越王十二月壬申元嘉從封徐六年四月壬申封元璿蜀元慶漢傳武德

三年元景與魯酆二王同封四年元方與鄭宋荆滕

四王同封六年元軌與幽漢二王同封

唐武德廣支蕃

膠東郡王道彥傳初武德五年同封者孝察為高密

王孝同淄川王孝慈廣平王孝友河間王孝節清河

王孝義膠西王通監云武德五年十一月乙酉封宗

萬曆丁亥年室略陽公道宗等十八人為郡王王道

宗道元從於是唐始興務廣支蕃鎮天下故從昆弟

子弟也子自勝衣以上皆爵郡王太宗即位舉屬籍問大臣

曰盡王宗子於天下可乎封德彝曰漢所封唯帝子

若親昆弟其屬遠非大功不王如周郇滕漢賈澤尚不

得苑土所以別親疎也於是疏屬王者皆降為公唯

嘗有功者不降故道彥等並降為公紀武德九年十一月庚寅降宗

室郡王非有功者為縣公替曰始唐興疏屬畢王至太宗稍降封

時天下已定帝與名臣蕭瑀等喟然講封建事正觀三年

十二月欲與三代比隆而魏證李百藥皆謂不然證

以民人始復生業遽起而瓜分之故有五不可之說

宗戚

百藥舉春秋二百四十六年之禍亟於哀平威靈詆

曹元首陸士衡之言以為謬悠而顏師古獨議建諸

侯當少其力與州縣雜治以相維持然天子由是罷

不復議至名儒劉秩目武氏之禍至謂郡縣可以少

寧不可以久安大抵與曹陸相上下而杜佑柳宗元

深探其本據古驗今而反覆焉江夏王道宗傳弟

道興武德初爵廣陵郡王以屬疏降封縣公道立嗣

封高平王後降封縣公襄邑王神符子七人並爵郡

孝恭子崇義皆襲工例降為公景元子孫乘運而奮至河間之功

江夏之略可謂宗室標的

監生洪羽刊

會要武德元年六月封宗室子孝基永安王道元淮陽叔良長平神通永康神符襄邑德良長樂道素竟陵博又隴西奉慈渤海王十月封皇從弟琛襄武爰廬江王淮安靖王神通十子按得王者七人

唐諸王世封刺史

太宗紀正觀十一年六月己未以諸王為世封刺史戊辰以功臣為世封刺史十三年二月庚子停世封刺史荆王元景傳正觀十一年詔荊州都督荆王元景梁州都督漢王元昌徐州都督徐王元禮潞州都督韓王元嘉遂州都督彭王元則鄭州刺

宗戚

史鄭王元懿絳州刺史霍王元軌虢州刺史虢王元

鳳豫州刺史道王元慶鄧州刺史鄧王元裕壽州刺

史舒王元名幽州都督燕王靈夔蘇州刺史許王元

祥安州都督吳王恪相州都督魏王泰齊州都督齊

王祐益州都督蜀王愔襄州刺史蔣王暉揚州都督

越王正并州都督晉王治秦州都督紀王謹所任州

刺史并功臣令世襲會要六月六日詔元景等地居

休命會長孫無忌等固辭遂廢不行蕭瑀傳帝問瑀

朕欲長保社稷柰何瑀曰三代有天下長久者類封

建諸侯以為藩屏秦置守令二世而絕漢分王子弟

享國四百，魏晉廢之，亡不旋踵，帝納之，始議封建。左子于志寧以古今事殊，恐非久安之道，上疏爭之，竟從志寧議。李百藥傳：太宗時議裂土與子弟功臣，百藥上封建論，理據詳切，帝納其言而止。百藥推天命，乃臆論也。

唐宗室世系

宗室四十一房

宗室宰

相屬籍

宗室世系表：宗室四十一房，一曰定州刺史三十九，曰惠宣太子，蜀王房，又有隴西渤海二房，定著三十九房，終唐之世有宰相十一人，郇王房有林甫、同、鄭王房有程石、福、小鄭，王房有勉、夷簡，宗閔、常山房，王

有適之，吳王房有峴，惠宣太子房有知柔。自元宗以後，出閣六分房，宗室宰相傳贊，唐宰相以宗室進者九人，唐親王宰相四人，秦、齊、平、雍。

六典宗正卿掌皇九族六親之屬籍，以別昭穆之序。

志同紀親疏之列，九廟子孫其族五十有九。志凡親有五等，先定

於司光皇帝一族。定州刺史景帝之族六。元帝

之族三。梁、蜀高祖之族二十有一。隱太子、衛、巢、楚、荆、

霍、魏、道、鄧、舒、魯、江、密、滕太宗之族十有三。常山、楚、吳、漢、齊、蜀、高宗

之族六。梁、許、澤、郇、中宗之族四。懿、德、庶、人、睿宗之族

五。寧、王、惠、莊、惠、文、惠、宣、隋、王、張說文：高祖、太宗作藩帝家，用建王

國二十一族，堯之昭也，十有一宗，文之穆也。志：郊從三品少

萬曆丁亥年

卿從四品知圖譜官玉牒官一人注龍朔二年改司
宗光宅元年曰司屬寺峴齊物思訓崇義道堅祗
道古神通神符為卿李百藥亦為卿為

十一日問宗正卿李博又曰諸親有除屬者曰屬疏

故除總三百餘人上曰服屬雖疏理不可降宜依舊

編入屬籍天寶元年七月二十三日詔涼武昭王四

公子孫並編入屬籍武德初李襲志及子弟豫宗正

景龍二年閏九月勅皇宗祖廟雖毀其子孫皆於宗

正附籍開元二十五年五月辛丑命有司選宗子有

才者授以臺省及法官京縣官
唐五王宅 十王宅 百孫院 維城庫

崇仁禮院

崇威

見院及宅類

唐王府官

志王府官傳一人從三品掌輔正過失諮議一人正

五品上掌訐謀議事友一人從五品下掌侍游處規

諷道義侍讀無定員文學一人從六品上掌校經籍

侍從文章東西閣祭酒各一人從七品上掌禮賢良

導賓客自祭酒以上為王官武德中置師一人王珪

書兼魏王泰師王見之為先拜常侍二人侍郎二人

問以忠孝蓋文達為蜀王師皆掌表啓書疏贊相禮儀舍人四人謁者二人景雲

二年改師曰傳開元二年廢尋復置廢常侍侍郎謁

萬曆丁亥年

三母夫二百二十

三五

監生于光烈刊

者舍人開成元年改諸王侍讀曰奉諸王講讀李石奏改

大中初復舊長史司馬從四品掌統府僚紀綱職務

掾屬正大品上主簿記室從六品上錄事功倉戶兵

騎法士曹又有參軍事行參軍典籤二人掌傳教令

自典籤以上為府官武德初改書佐曰參軍事正觀

中廢鎧田水三曹

侍讀袁承序晉王友兼徐齊聃潞王文學沛王

侍讀齊聃侍讀四王之邸袁利正周王侍讀徐岱

正元初太子諸王侍讀

傅陸德明以經授中山王狄兼謨為益王傅文

宗室

宗將立魯王為太子謹選師傅庾敬休以古侍燕

王傅

友王弘直為荆王友郎餘令授霍王府參軍從

父知年為王友元軌為二賢入府

祭酒馬嘉運正觀初越王東閣祭酒韋陟溫王

府東閣祭酒任敬臣以孝行為越王西閣祭酒許

王文學

諮議張後嗣為燕王諮議

典籤裴耀卿為相王府典籤與掾丘悅文學韋

利器更直備顧問府中號學直唐休璟為吳王府

典籤

司馬 劉禕之拜相王府司馬帝曰朕子賴卿以師矩

錄事參軍 蘇瓌擢豫王府錄事參軍

脩撰 沛王召王勃為府脩撰次平臺祕畧

秦王有友于志寧 諮議 竇綸 蕭景 記室 房元齡 虞世

南 唐 駱 思 魯 文學 姚 思 廉 褚 亮 兵 曹 杜 如 晦 鍾 曹

諸 遂 良 士 曹 戴 胄 閻 立 德 參 軍 事 薛 元 敬 蔡 允 恭 主

簿 薛 收 李 通 元 典 籤 蘇 幹 高 宗 中 宗 時 相 王 府 長

史 以 宰 相 兼 之 魏 徵 魏 徵 衛 三 府 以

尚書兼之徐韓二王為刺史府官同外官資望愈下

永淳以前王未出閣則不開府元宗諸子各不出閣

王官益輕而負亦減 天授二年置皇孫府官 白

白入焚鄒放游梁申穆重名應徐洪藻 清切藩房

謝眺 謝眺

唐幸十六宅

實錄大和四年七月賜十六宅諸王綾綉二萬疋以

內庫充開成二年五月壬申幸十六宅宴諸王三年

四月甲午亦如之頒賜有差四年六月庚申幸十六

宅宴樂賜錢開元後子孫皆生長深宮大和七年八月庚寅

無太子制諸王以今年出閣授刺史上佐

唐諸王善惡錄

見錄類

唐維城典訓

藝文志 儒家武后維城典訓二十卷列藩正論三十

卷凡武后書皆元萬頃撰裴光庭維城前軌一卷

唐戚施纂要

藝文志 劉揚名戚施纂要十卷戚施英華十卷

唐女則要錄

藝文志 女訓十七家二十四部三百八十三卷始於

劉向列女傳終於鳳樓新誠三方慶以下不著錄五

家唐長孫后女則要錄十卷

后采古婦人之事著女則十篇又為論斥馬后

不能檢抑外家帝曰此書可以垂後

後漢皇甫規女師箴煌煌后妃元統是閑穆穆夫人

爰採潔繁奉上惟敬撫下惟慈怨豈在明患生不思

崔琦外戚箴無恃常好色有欺微無怙常幸愛有

陵遲日不常中月盈有虧履道者固杖執者危 晉

張華女史箴懼不可以瀆寵不可以專專實生慢愛

極則遷 裴頠女史箴綠衣雖多無貴於色邪徑雖

利無尚於直春華雖美期於秋實冰壁雖澤期於見

日 王廙婦德箴在昧無愧幽不改虔 唐桓彥範

戒中宗曰詩以關雎為始言后始者人倫之本治亂之端也故舜之興以皇英周之興以任姒桀奔南巢禍階末嬉魯威滅國惑始齊姜書曰牝雞之晨惟家之索易曰無攸遂任中饋

太平興國諸王府侍講 咸平南北宅教授 祥符諸院入學

太平興國四年九月丁亥楊可法為皇子侍講一作侍讀

八年三月己巳王適為王府諮議戴元翊善可法姚

坦等為皇子翊善邢昺諸王府侍講先是詔丞郎給

十以上通經者備宮寮初置是官以適等十人為

之後不置諮議而翊善記室或止一員王始置友及諮議記室參軍 雍熙二年五月辛未命王龜從畢士

安等四人為王府記室上諭曰諸子生長深宮資良

士贊導為善使日聞忠孝之道至道元年正月皇姪

皇孫以教授為名孫贖為之三年八月孫贖咸平元

年正月癸酉始令諸王府記室翊善侍讀等兼南北

宅教授雍王記室朱昂兼南宅翊善張翊兼北宅教

李文益緝不知始於何時四年四月曹國公元儼

出閣親澤張巽為翊善景祐二年十月以曹國公翊

善戚維迂儒不能規戒咸平四年九月壬午劉士元

命崔耶代之召對賜紫咸平四年九月壬午劉士元

為南宮侍讀南宮北宅有祥符二年五月丁卯以講

書終篇宴廣平公德彛等及侍教時大雅於北宅三

年七月壬寅詔南宮北宅六將軍已下各赴書院講

監生洪開刊

讀經史諸院十歲以上並八年學日受經學書至午後

成象為之祥符二年二月天聖三年上曰教授非

止講經宜選履行端慤者七月以張維翰為允弼宅

教授四年四月北宅教授式為諸王慶曆五年二

月戊子朔太宗正司請置切善記室侍講詔楊中和

為侍講三月巳未詔太宗正司曰朕建置宗官開敞

居第臨遣儒士往授經訓且令朕親南北宅諸院教

授具聽百經典文辭書翰切課以聞嘉祐三年十二

嘉祐八年准陽郡王府置切善記室侍講各一人九

月甲寅詔同

又分左右廂曰左右英武軍上元初郭儀率英武

威遠軍以趨范陽代宗擢論惟正左領軍大將軍為

英武軍使王難得辛京果為使會要建中元年七

月以鴻臚寺左右威遠營隸金吾賈耽鴻臚

元和二年四月勅左右威遠營置使二人十三年十二月停

宜併省入左右威遠營置使二人十三年十二月停

左右龍武等六軍及威遠營納課戶一千八百人

云遠營納課戶停龍武軍及天祐二年正月

三日停威遠營以兵士隸六軍

唐節度使兵方鎮天兵

兵志所謂方鎮者節度使之兵也原其始起於漢唐
之屯防者唐初兵之戍邊者大曰軍小曰守捉曰城
曰鎮而總之者曰道若盧龍軍一東軍等守捉十二
兵三驍化曰平盧道橫海北平高陽經略安塞揚府
唐與渤海懷柔威武鎮遠靜塞雄武鎮安懷遠保安
軍十六兵四驍化曰范陽道天兵大同天安橫野軍
四岢嵐等守捉五兵五驍化曰河東道朔方經略豐安
定遠新昌天柱宥州經略橫海天德天安軍凡三受
降豐寧保安為延等六城新泉守捉一驍化兵五驍
化曰關內道赤水大斗白亭豆盧墨離建康寧慈五門

年二月二十三日封元倓等國公邑一千戶淳化五
年二月二十七日翰學張洎言益王以揚潤建社為
兵王居大都督之任豈宜加長史之號至道二年二
月七日越王以杭州大都督兼領壽春始去長史之
號咸平二年十一月三日詔親王領大都督節鎮者
勿兼長史治平二年五月十七日中丞賈黯請皇子
及宗室甲屬除檢校三師官者隨其遷序改授三公
元豐七年二月十一日封宗暉嗣濮王三月十七
日御史臺言舊合班儀嗣王在郡國之上宗姓又在
同列之上

咸平宗正寺

見王牒。開寶六年正月以千牛衛將軍趙崇濟為少卿景德二年命趙湘趙稹同判宗正寺祥符九年趙安仁兼卿世長知寺事二月王旦請命丞即已上兼卿給舍以下兼少卿即中以上兼丞京官兼主簿以為永制天禧元年趙鼎為主簿慶曆四年七月辛巳趙槩判宗正寺元豐六年九月十一日詔除長貳外自今不專用國姓志太宗正司統皇族故寺長貳不專以國姓分案二設建炎三年四月省以常兼紹興二年十二月復置少卿四年以命范冲

宗正寺

祥符宗室坐右銘

太宗太平興國八年封諸王上作戒子銘及詩以賜之真宗撰五箴以自儆判宗正寺趙湘請著箴誠之文以訓厲宗室使知孝悌恭儉禮節上悅祥符三年九月丁亥十二作宗室坐右銘並注賜寧王元俓以下併及湘且諭之曰卿宗姓也故有是賜五年正月二十七日允寧等誦易終篇習虞世南書頗有楷法帝悅其向學作七言詩賜之

祥符宗室班圖 景祐南班

九年正月巳巳宗室德文子承顯準詔赴班起居請

在惟忠子從恪之上時從恪雖姪行而拜職在前遂
詔宗正寺定宗室班圖以聞宗正言按公式令朝參
行立職事同者先爵爵又同者先齒今請宗子官同
而兄叔次第姪者並一位而立德文又言爵同先齒
之制當叙尊卑為等列上曰朝廷班制以授官先後
為次不可易也九族辨尊卑五宗紀遠近初祥符
八年者具名聞至和初取明堂單恩後十三年者進官
親諸司使以下一百三十餘員為南班官今南班八
等副率至
實錄景祐二年十一月乙未祀圓丘三聖並
侑制詔宗室並轉官自諸司使以下至殿直並換西

宗戚

班官

正史同表稱南班當考

丙午宗室諸司使領刺史者十

二人換諸衛大將軍領團練使諸司使十九人換諸

衛大將軍領刺史諸司副使十九人換諸衛大將軍

內殿承制宗望已下百三十三人並為將軍率府率

副率

用乙未赦書也先是宗子無遷官法及郊祀
乃至諸司副使今副率四遷即遙領刺史熙寧二年
八遷即為節度使周官以同性衛王宮

十一月甲戌十一日中書密院議宣祖太祖太宗之子

皆擇其後一人為宗世世封公補環衛以奉祭祀祖

宗祖免親將軍以下願出官者聽應舉者依外官條

例其非祖免親更不賜名授官從之五年九月癸丑以

萬曆丁亥年

監生陳金徽刊

以令鑠為職方員外郎宗室試換文資自令鑠始
祥符嘉慶院

九年五月二日乙巳詔曰宗親吉禮備展令儀以新

昌坊第一區為皇親禮會院名曰嘉慶本符彥頊舊唐開元

中供帳崇仁禮院即此類也舊唐書開元中置禮會院于崇仁里景祐三年九月庚

寅以潞王舊宅為嘉慶院

祥符賜諸王詩見御詩類

祥符彤管懿範

元年脩君臣事迹詔王欽若集婦人事別為一書與

脩書官總綴之八年閏六月庚辰欽若上后妃事迹七十七

宗戚

卷凡六部百四十門有總序太約如冊府元龜賜名

彤管懿範命欽若為序九月丙寅欽若上所撰序詔

褒之詩注古者后夫人必有女史彤管之法事無大小記以成法則天內範要略十卷

天禧皇族授官制

元年二月十三日壬午宗正寺議皇族初命授官定

制請以宣祖太祖太宗孫初蔭授諸衛將軍曾孫授

右侍禁元孫授右班殿直父爵高者從高蔭特恩者

不以為例先是帝謂輔臣曰皇族多而授官未有定

制令宗正寺以房院次第詳定至是上議詔中書密

院參定而行之

太宗朝參政李至承詔攷述周漢訖唐皇親爵秩恩
禮品式事迹為皇親故事二卷。紹興三年六月二
十三日。太宗正丞謝伋與令時條畫五事。曰舉賢才
以強本支。更法制以除煩苛。擇官師以專訓導。繼封
爵以謹傳襲。脩圖謀以定親疏。

景祐睦親宅

復宗室

慶曆廣親宅

咸平四年四月庚申。幸諸王邸第。又臨視曹國公元
儼新宮。祥符八年七月。諸王各賜第于外。庚戌。分置
內臣管當都監之職。丙寅。幸相王元偓新宮。賚襲衣
金帶鞍馬。又遣使賜城南諸王宮緝帛。八月辛丑。幸

宗戚

端王元儼新宮

賜予如之

還幸元偓宮。景祐二年九

月巳酉

二十日詔以藩親蕃衍邸第散處作睦親宅以

聚皇族

以舊玉清昭應宮地修建潞王等宮院命三

基典領工作列三年九月庚辰宅成帝臨幸賜宗

室器幣有差遂宴宗室及從官於都廳時儒臣多為

賦頌以獻

富弼有頌會要八月成移吳王等九宮

上曰吾奉先帝苑囿猶以為廣何用以此乙未以王

宗道揚中和為睦親宅講書張揆為諸王府侍講十

二月戊午詔宗道中和兼赴北宅講書御殿四年五

月壬戌芝生殿慶曆六年八月二日孫復為諸王侍

嘉靖丙辰年

講睦親宅講書。先是祥符六年五月二十四日增修

懷遠驛為南宅九月二十八日南宮惟正等諸院移

居新修西宅。北宅在宣德門西道北。祥符七年

置管當南宮北宅所慶曆七年九月癸巳二十七日賜北

宅名廣親宅秦悼王之第時秦王宗子蕃衍而所

承簡願得美名至是賜之承十月甲子帝臨幸謁

太祖太宗神御殿遂徧至諸院燕宗室賜器幣有差

祥符之觀書罷圖閣寶元慶曆之賜燕大清熙寧三年五月十八日詔

管當睦親廣親提舉郡縣主宅所併歸大宗正司

景祐大宗正司 治平聞義堂 端平屬

宗戚

籍閣

景祐三年丙子七月十九日乙未初置大宗正司漢宗

諸劉以寧江節度濮王知大宗正事彰化軍留後守節

知大宗正事錫器幣金帶鞍馬時諸王子孫衆多聚

居大第故於祖宗後各擇一人使司訓導糾違失凡

宗族政令皆掌之奏事毋得先達先委詳酌而後聞

八月庚戌知大宗正事請宗室每朝罷各就聽讀從

之寶元二年七月二十一日允弼同知大宗正事至

和二年當六月戊子朔增允良同知未幾罷九日以

知大宗正濮王為判同知允弼為同判治平元年六

嘉靖丙辰年 監生 卷之三

月丁未十三增置同知大宗正事一員以宗惠為之

又增學官為二十七員祖宗厚倫之意愈密矣宗惠即所居築

堂曰聞義與學士大夫講肄以身倡率宗屬濶王世

善熙寧三年二月丙寅十二詔大宗正司置丞二

人以張稚圭李德芻為之上曰或言丞不言用庶姓

王安石錄春秋公族大夫等事以進丞於芳林元豐

之制以宗室團練使以上有德望者為長而一人貳

之若位高屬尊則為判志元豐五年二月十五日宗

由是宗子屢有登進士第者人自矜飾以勸學焉

徽宗時仲忽判大宗正立宗司法式上賜之甲第建

宗戚

親賢懋功之閣以示寵賜玉帶金魚紹興十年二月七日

詔兩宗官各薦宗室二人二十六年三月二十八日

詔大宗正司薦忠義孝友文行廉謹政事剛明者以

備顧問從令矜之言也二十三年編類大宗正司條令成十

一月上閱之甲辰諭輔臣頒行建炎紹興初太宗正

紹興二年正月十四日移于行在詔仲湜兼判士嘉

定以嗣秀王兼總大宗正十二年八月議者謂糾合

宗盟宜擇老成更練之人端平元年八月甲子重建大

宗正司成上書屬籍之閣四字古者以廟序宗廟

曰宗廟室曰宗室器曰宗彝祀曰宗事姓曰宗盟而

萬曆丁亥年 監生陳金敬刊

掌禮者由虞周以來皆曰宗下及都家皆有宗人天子之元子為大宗以繼太祖諸侯之元子又為一國之大宗以繼太祖別子不得禰其先王先公繼別者亦謂之大宗所以別小宗大夫之次子為貳宗所以副小宗古者官之長必曰司曰正而周之宗官獨稱伯所以重正體嚴宗祧也或曰彤伯嘗為宗正顏護軍辨其不然矣秦始以宗正列九卿掌親屬而宗廟之事屬之奉常失古人敬宗之意昭陵念宗子無所統壹始於宗正寺之外為大宗正司以皇族掌之以承寧弗協糾過愆違是司之設先教法而後治法

宗戚

最得先王治親之意

慶曆封宗室

四年七月戊寅制封德文東平郡王濮王汝南允弼北海允良華原郡王從藹穎國公八月壬辰從昫安國公宗說祁國公宗保建安郡公宗達恩平郡公宗望清源郡公辛巳詔德文等十人並列本班之上少前自燕王薨祖宗之後未有以封王爵者富弼建議遂次第封拜即河北守禦策之一建宗戚以自承助德文屬尊且賢方漢東平王蒼故封東平八月丙午拜德文侍中及汝南郡王等四人丁未又遷承簡至克臻等官熙寧元年八月二日詔王太祖之後九月辛未舒國公從式

封安定郡王進彰化軍留後熙寧二年十一月十日人爲宗令紹興元年正月庚申太祖太宗之子擇其後一九日封令話世世封公

皇祐治原 宗室寶戒

皇祐五年六月壬午十四日右屯衛大將軍宗諤上治原十五卷上謂輔臣曰采實祖宗事爲書意在規諫宗室之良也詔獎之八月丁未十一日又上宗室善惡寶戒一作寶箴詔遷右神武大將軍今從會要

皇祐朱邸恩華錄

五年七月十四日左屯衛大將軍世永上三卷詔獎

宗戚

之

至和太平盤維錄

元年十二月丙辰二十日皇姪睦州團練使宗諤纂歷代宗屬事跡爲六卷上之詔褒諭上下二帙總六卷分十二門

宋朝宗室六箴 富貴箴

仁宗時吳克爲吳王宮教授方正清謹嘗於宗司闕聽事設講席作宗室六箴以獻曰視曰聽曰好曰學曰進德曰崇儉命錄賜南北宮搢紳榮之英宗在睦親宅書之屏風視以爲戒神宗時孫覺爲昌王府記室覺爲陳諸侯之孝作富貴箴

治平睦親廣親北宅

紹興睦親宅

治平元年六月辛亥日十五詔建睦親廣親北宅于芳林園以舊睦親廣親宅為東宅初睦親宅密州觀察宗旦等五位廣親宅原州團練克戒等二位子孫多而居第狹遂命以故玉清昭應宮地為七位以宗旦等五位為睦親東宅克戒等二位為廣親東宅時天章待制王獵建言取私屋廣兩宅既遣戶部副使張燾按視上以騷擾不許然以皇族蕃衍遂作宅於此園徙宗旦等居之其後有求徙者又廣宅以居之熙寧二年十一月十三日賜宗愈睦親北宅地建第 紹興三年五月辛酉

宗殿

會要二年六月二十一日詔築第百間以居南班宗室十二月甲辰仍以睦親宅為名是冬始成睦親宅南班赴朝參者十七員五年

八月十九日錢觀復等請就睦親宅附近增廣學舍

諸王宮大小學在睦親宅之右

治平諸王宮大小學 增宮院學官

學頌

元年六月巳亥日五詔曰一祖之後諸宗之支嘗著令于前命官以訓或兼職他邸備位終年詔近臣薦能者使成童而上講誦經書小學之居通達名數朝夕勸善日月計能居常謹修戒在中止內有懿親之表

萬曆丁亥年

三十五

早

監生陳金徽刊

率外有明師之切劘其子弟不率教者俾教授及尊長具名申大宗正司戒責教授不能勉厲宗司察訪以聞上諭韓琦曰為學尤戒中止諸宗之幼者須尊長率厲英宗以本支之盛自率府副率以上八百餘人其奉朝請者四百餘人而教學之官六員而已因命增置凡宗室年三十以上者百十三人置講書四員年十五以上者三百九人增置教授五員年十四以上者別置小學教授十三員以分教之并舊凡二十七員正史以為六月十三日丁未詔曰夫明德以親九族正家而刑萬邦念其性本仁厚宜廣學以勤修顧其日益衆多必增

宗室

員而統理故外詔儒學各選經師內擇親賢共司屬籍以正為率惟善是從上既增宮院學官以宗正事繁增置同知大宗正事一員選宗惠為之九月二

十五日判宗允弼等詳定聽書等賞罰規式宗子世符獻三

學須以美盛德元絳集云治平初詔增置諸王宮大小學分爵齒以肄業精選文學之士以職教授華腹之習一熙寧元年五月九日有司言西漢以博士

不通政事者補諸侯王傅今諸王宮大小學教授宜命兩制舉純朴行誼年五十以上者志大宗正司記

講書教授十有二人分位講教兼領小學之元豐二事自熙寧初置丞省記室講授員增給以祿年正月丁亥詔以經義論試宗室宗子屢有元祐六

年十月范百祿請申飭諸宮院教授修職業勤教導
 十歲以上每日聽讀是月建諸宮院小學崇寧二年五月置睦
 親宅北宅廣親宅大學小學各一員廣親北宅睦親
 西宅周王宮大學兼領小學各二員餘見學校類乾
 道二年三月二十四日臨軒唱進士第汝愚第一以
 有官居次仍賜第一人恩例

敦誦弦於瞽宗詔論說於東序觀道德於成均致中
 失於上闈無一時而非學也習射於澤助祭於廟燕
 毛下寢友之以俊士造士行之於公族公路無一事
 而非學也統之以宗法則分有制序之以廟室則親

宗官

有等系之以姓氏則族自別處之以國邑則才有試
 莫非教也又必使之朝夕有觀動息有養則其生斯
 世也不為十六才子周召毛原有不可得矣菁莪
 豐芑之積常華棣鄂之感有衍未艾

治平出閣進封

英宗即位嘉祐八年九月辛亥皇子光國公為淮陽
 郡王改賜名十二月乙亥出閣治平元年六月己亥
 進封穎王

唐開元四年正月丙午鄆陝二王皆不出閣遙領節
 度自此始十五年五月癸酉悉以諸子領使

萬曆丁亥年

三母卷之三

四

監生陳金徽刊

元祐親賢宅 元符懿親宅 政和蕃衍宅

宅

元豐六年五月十五日詔雍王顥荆王顥請建外第章數十上入侍寶慈宮非便數諭止之確請不已宜從之命有司度地以聞制曰列第環宮彌聳開元之觀側門通禁永承長樂之顏

工部請以城北馬軍教場建第詔可元祐元年三月詔脩建揚荆一王外第各賜銀器供帳二十二日癸酉輔臣奏二王請遷外第威顏咫尺時奉朝謁與密邇宮禁無異二十四日詔二王外第名親賢宅八日詔就第日宗室正任四月十二日錫銀綵緡錢五月以上自府門送至第

宗戚一

六日巳巳二王遷外第上及太皇太后臨幸十四日

子荆王七子皆進一秩制曰先帝篤兄弟之好以恩勝義不許二叔出居外蓋武王待周召之意太皇太后斥嚴朝廷之禮以義制恩始從其請得孔子遠其子之意二聖不同同歸于道耳以為萬世法紹

聖三年二月二十二日將作監上修建皇第遂寧大

寧郡王等五位外第地圖詔如親賢宅之制元符元年二月

十三日詔咸寧普寧二王於三月出閣三月三日申

王等請居外第八日詔五王外第名懿親宅其遷入

正任以上送至第就賜御筵資銀幣二十一日幸申王府翌日幸端王府後又改為棣華

政和八年八月二十日嘉王請居蕃衍外第宣和元

年三月七日臨幸二十三日幸蕃衍宅景王位東

嘉靖丙辰年

庫

中興唯睢維二都宗室得全紹興元年西外移

司湖州南外置司泉州建炎三年十二月十九日

仲湜請權以西南外併為一司議寢二年閏四月二

十日南外依西外置教授五年閏二月知西外宗正

士樽置司福州移司年未詳十六年十一月二十四日上

曰宗官得人則宗室循理宜謹擇之三十二年三月

六日巳卯詔三省選用文臣宗室之廉正者庚寅命

士初知西外子游知南外自是兩宗官率多用文臣

溫陵長樂循二京之舊各有司存以糾合天支訓飭同姓紹興三十年二月

丙午恩平郡王璩除判大宗正事置司會稽乾道

宗戚

七年五月虞允文奏會稽密邇行都不必置司宗上
曰可移於蜀十月十六日併紹興府大宗正行司于
行在璩改判西外宗正事

宋朝宗室齒序圖

書目二卷編列聖諸王公主以下為長譜自元祐

初子湜始見於進士題名至紹興十五年伯摠登甲

科

漢宗正有郡國歲計上籍之文劉向以高材進對

唐宗正寺歲送進士二十人與國子監京兆府相比

李程李肱皆為舉首

嘉靖丙辰年

紹興出閣進封

紹興十二年正月庚戌詔建國公就外第討論故事
二月丁丑保慶軍節度使建國公為檢校少保進封普
安郡王時年十六三月乙未詔朝朔望壬寅王出閣
就外第命宗室正任以上悉送之庚子趙衛錢周
材為王府教授

紹興舉宗室

二十七年正月戊子詔侍從各舉宗室京朝官材識
行治者二人特與召對用刑侍張杓請也

為即始於元豐之令鑠為侍從始於紹興之子晝直
禁林始於淳熙之彥甲 明道二年十一月癸亥朔

宗戚

增宗室奉

紹興戚里元龜

十六年八月辛酉四十一御史王鎡上戚里元龜三卷

鎡初為皇后宅教授上命采歷代戚里故事可為法

則監戒者論次成秩至是上之詔遷秩建炎二年正
月十八日詔

后族不任侍
從著為令甲

后父母 春秋褒記為侯 圖功臣雲臺不及馬援

魏開陽安城當陽之封 鄧和熹后母為新野君

竇親有安成之封王族有博平之號

后父重於帝舅 摯疇之國由大任杞繒由大姒

嘉靖丙辰年

二月

卷二十一

四十五

益上三陽福川

齊許申呂由大姜陳由大姬皆能內利親親者也
問語富辰云 蜀塗莘摯

后兄弟 漢帝無私於廣國元規功遜於中書

長君 君選長者之有節行者與居不敢以富貴
驕人 陰識遜封 陰興止足鄧薦忠勞 長孫

無忌以佐命為元功 長孫無忌之功武平一之
識吳淑之忠弗緣內寵

帝舅 不顯申伯王之元舅文武是憲路車乘馬錫

爾介圭王餞於郿 柔惠且直蹈申伯之風退遜
不驕秉寶君之節 文公如存之感 緣大雅

宗戚

申伯之意 魏明帝築渭陽之館于甄氏 名里

曰渭陽 禮待陰郭每事必均 封樊宏壽張侯

戒富貴盈溢

帝外祖 封許嘉為平恩侯奉戴侯後封外祖母為

博平君 宣帝

樊靡卿之父子竇廣國之弟兄陰興之守約戒奢史
丹之掩惡揚善 本朝茅土之封始于元豐命曹佾

欽聖居中宮而父經生不擁節旄宣仁孺制臨朝
而猶子止於兩使留後

淳熙皇族登科題名

萬曆丁亥年

三

三

監生陳金徽刊

一卷。太宗正士輯丞耿延年編。淳熙二年成書。始於元祐三年李常寧榜。子湜令翻。

皇祐初，叔韶進所為文，召試學士院。文中等賜進士及第，遷右領軍將軍。入謝，仁宗曰：宗子好學無幾，爾獨以文得進士第，前此蓋未有也。朕欲天下知屬籍有賢者，宜勿忘所學。又出九經賜之。詳見科舉。仁

宗御太清樓召宗室試書。

紹熙內治聖鑒

九年正月，右史彭龜年直前奏事，且進內治聖鑒二十卷。奏以祖宗家法集為此書。光宗曰：祖宗家法最

善。漢唐所不及，待外戚尤嚴。龜年曰：此書宦官女子之防尤嚴，恐不得進。御光宗曰：不至是其目則略。循會要之舊，其事則多本長編之書。名臣奏議亦錄間其所見，又為論著。

古之教國子者，以什伍之法寓於道藝之闡，以羨卒之法行於游倅之列。及其有事則用之，故在軍則守公禰，在國則守公宮。文王世子說

聯跡齊穎，接萼均芳。以蕃以牧，燭代輝梁。分土而開者九國，當高祖之初。同日而立者三王，在孝武

之世。周建五十三國。漢封連數十城。沛獻
 矜嚴東平智惠。周位卿士以同姓。唐列宗室於
 輔臣。古者親親尊賢。並行而不相悖。堯親九族
 必先明俊德。而後九族睦。周封同姓。必庸康叔。蔡仲
 而後王室強。授桐貽緒。訓梓垂芳。稟潤天潢。承
 暉日觀。雅道貴於東平。文藝高於北海。楚詩蚤習。
 沛易先通。齊衡兩獻。比迹二南。龍種異氣。鳳毛
 秀色。周公族多。聯三事。唐台司亦用。尤人。旦奭兼
 師保之任。勉石稱宰輔之賢。宗室有人。邦家之
 光。社稷之衛也。周卿士皆周召毛原。漢間平之德。

歆向之文。唐之宗室。武畧如道宗。孝恭文章如白賀。
 而至宰相者九人。八才兩獻。

高后欲王諸呂。王陵廷爭。孝景將侯王氏。條侯犯色。
 表。連輝椒掖。同氣蘭閨。塗山在夏。靡與高稷同。

驅妣氏居周。不與燕齊等列。聖人慮遠。殊有旨哉。史晉
 清漢表靈。曾沙膺慶。坤則順成。星軛潤飾。班

政蘭閨。宣禮椒屋。玉牀之連。後星金波之合。義璧
 祥雲覆戶。吉夢捫天。超任邈妣。翼夏生商。易

基乾坤。詩首閔睢。書美釐降。二妃光舜。三母翼周。
 脩詩賁道。稱圖照言。夏之興以塗山。殷之興以

有娥有嬖周之興以姜嫄大任大姒 在漢則明德
和熹著稱於前在唐則文德懿安垂紀於後

玉海卷第一百三十

